



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

61. Dilectus meus candidus, rubicundns, electus ex millibus.

urn:nbn:de:hbz:466:1-12221

Non tibi sumpta caro loca præcipit æqua parenti,

(a) Dextra Patris, sedes debita jure tibi est.

E Genito Patrem, pariter redamante, resultat

Mutuus amborum Spiritus, unus amor.

(a) Quemadmodum non dicimus filium esse patre maiorem, ita nec tu cum minorem, & inferiorem dixeris: id enim significat societas sessionis. Chrys. in hunc Psalmum. & rursum: illud quod natum est ex semine David, ita honoratum est, ut esset Dominus David. Sic Episcopus factus, laici filius, sit Dominus patris sui. &c.

SYMBOLUM 60.

Deus omnia disposuit in numero, pondere, & mensurâ. Sap. 11. apud Corn. a Lap. præf. in Isaiam.

INfinita Trias finito limite cuncta

Condidit, & certi ponderis esse jubet.

Quæ bona, quæ mala sunt metitur, & omnia libratur,

Virtutes numerat, ponderat acta Trias.

Effigiem numero, mensurâ, pondere, rebus

Indidit; ad Triadem cuncta referre decet.

SYMBOLUM 61.

Dilectus mens candidus, rubicundus, electus ex millibus. Cant.

g. Habetur pro Symbolo in Nucleo. Coppenst. Dom. SSS.

Trin.

DE candore Patris candor, de lumine lumen;

(a) Jesus nos salvans a Patre nomen habet.

Filius, & Sancti rubicundus amoris ab igne,

Pneumatis, atquè sui flagrat amore Patris.

Can-

Candet ab electo millenis millibus uno,
Hujus & effuso terra cruore rubet.

(a) Matth. 1.

S Y M B O L U M 62.

*In tribus placitum est spiritui meo, quæ sunt probata coram Deo,
& hominibus 1. Concordia fratrum 2. Amor proximorum.
3. Vir ac mulier bene consentientes Ecel. 22.*

RAra solo, sed grata polo concordia fratrum;
Vicinos pacis conciliantis amor;
Grataquæ sunt Triadi sociantia vincula mentes,
Expertes litis vir mulierquæ placent.
Unio nata Deo, Satanæ divisio proles;
Ad Triadem pandunt fœdera pacis iter.

S Y M B O L U M 63.

Funiculus triplex difficile rumpitur. Eccl. 4.

*Hebræica legit: Filum trinum non citò rumpitur. Galatinus
lib. 2. cap. 4. de Trin. Mysterium, inquit, trini & unius
Dei non citò discutitur.*

Funiculus triplex ægrè disrumpitur, ægrè
Fœdus amicitiæ, quod tria vincla ligant.
Funiculo Triadis non arctius illigat alter,
Fœdera quæ fuerint hoc sociata, manent.
Funiculus triplex, nullâquæ solubilis arte
Herculis & nodus Gordius ipsa Trias. (a)

(a) Isa. 25. terè tu es Deus absconditus &c.

SYM-